

Powšitkowne WOZJEWJENJA

njedźelu, 18. julija 2010

Via Regia woła

Chróšćanska wosada přeprašujetej na předstajenje noweje dźiwadłoweje hry pod hołym njebjom „Via regia woła”. Spisałoj staj ju Jurij Špitank a Pětr Zahrodnik k 1.000. narodninam biskopa Bena, japoštoła Serbow. 180 lajskich wumělcow předstaji hru sobotu, 14. awgusta, w 20 hodź.; njedźelu, 15. awgusta, w 20 hodź.; sobotu, 21. awgusta, w 20 hodź.; njedźelu, 22. awgusta, w 16.30 hodź. kaž tež w 20 hodź. Wšitke předstajenja su w serbskej rěči na farskej łuce w Chróšćicach. Němskim přihladowarjam poskići so simultany přeložk ze słuchatkami.

Z busom do Krupki kemši

Na Božu mšu srjedu, 28. julija, w 10 hodź. w Krupce pojedže tež lětsa bus. Štóž chce tam sobu jěć, njech přizjewi so pola Šmitec wozydłownistwa w Radworju, telefonowe čisło (03 59 35) 28 60.

Dźělowej městni w Chróšćicach

Dom swjateje Ludmile w Chróšćicach pyta k 15. awgustej sobudžělačerku za zastaranje dementnych wobydlerjow a k 1. septembrej chorobnu sotru abo hladarku starych. Nadrobniše informacije dóstanjeće pola wjednistwa domu, telefonowe čisło (03 57 96) 9 47 30.

Zetkanje Serbow w Bayerskej

Serbja, kotřiž w Bayerskej bydla abo dźělaja, su na přenje zetkanje srjedu, 6. oktobra, w Unterschleißheimje přeprašeni. Kemše w serbskej rěči změje farar Gabriš Nawka w 20 hodź. w cyrkwi swjateho Ulricha. Hižo do kemši wot 19 hodź. su wšitcy na serbsku bjesadu witani. Štóž ma zajim, dalšich w Bayerskej bydłacych abo dźělacych zeznać, njech přizjewi so telefonisce pola Andreje Buchholzoweje pod (0 89) 31 60 58 92 abo (01 79) 7 97 13 35 abo pisomnje přez fax (0 89) 31 83 65 93. Nimo toho prosy wona wo to, tutón termin dale sposrědkować, zo by jón prawje wjele w Bayerskej bydłacych Serbow zhoniło.